

ԶԱՆԱԶԱՆ ԼՈՒՐՆԵՐ

ՆՈՐԻՆ ՎԵՀԱՓԱՌՈՒԹԻՒՆ Տ. Տ. ՄԿՐՏԻԶ I Կաթողիկոս Ամենայն Հա-
լոց ժամանեց Թիֆլիս օգոստոսի 29-ին, առաւօտեան ժամ 10-
ին երկաթուղու չափով գնացքով և ընդունեց կալարանի
կալսերական օթեանում, ուր սպասում էին վեհափառին տե-
ղական կոնսիստորի ներկայացուցիչները, Թիֆլիսի քաղաքա-
գլխի պաշտօնակատարը խորհրդարանի հալ անդամներով, պար-
սից հիւպատոսը, մամուլի ներկայացուցիչները, վեհափառի
հետ էին Տէր Տեղակալից ուղարկած պատուիրակները՝ Արխտա-
կէս եպ. Սեդրակեան և Սարգիս եպ. Գասպարեան, Մեսրոպ
և Նիփրեմ արեղաներով, որպէս նաև Խորէն վարդապետ Ստե-
փանէ: Քաղաքագլխի պաշտօնակատար պ. Պ. Խզմալեան ռու-
սէն բաւականի երկար ճառով ողջունեց վեհափառին և հալ-
ցեց Նորա օրհնութիւնը քաղաքի համար, Խորէն վարդապետ
թարգմանեց ալի ճառը հայերէն, որին լաջորդեց վեհափառի
պատասխանը և օրհնութիւնը: Ամբողջ կալարանը թնդում էր
սկեցեք Հալրիկ՝ գոչումներով, վեհափառը, ուղեկցութեամբ
պահապան կողակ ձիաւորների և հարիւրաւոր կառքերի ու
խուռն բազմութեան՝ քառաձի կառքով դիմեց դէպի Վանքի
Մար եկեղեցին: Ճանապարհին ամեն տեղ ժողովուրդը ողջու-
նում էր: Ալէքսանդրեան ալգու մօտից սկսեց հանդիսաւոր
ընթացքը հոգևորականների, երգեցիկ խմբի, աշակերտուհիներ
ի ուղեկցութեամբ, վեհափառը ամպհովանու տակ, Վանքի
եկեղեցում վեհափառը աղօթեց և քարոզեց ու ապա ահագին
բազմութեան ոգևորած գոչումներով ուղեկցած՝ դիմեց Առաջ-
նորդական պալատը: Սկսեցին ընդունելութիւնները, որ շա-
րունակեցին լաջորդ օրերը, մինչև վեհափառի մէկնումը Թիֆ-
լիսից սեպտ. 7-ը:

ԲԱՐՁՐԱԳՈՅՆ ՀՐՈՎԱՐՏԱԿԸ, որով Թագաւոր Կալսը հաստատել է Խրի-
մեան Հալրիկին Կաթողիկոս Ամենայն Հալոց, ընդունեց վե-
հափառը Կովկասի պ. Կառավարչապետից, սորա պալատում,

սեպտ. 3-ին, ժամը 1-ին, ներկայութեամբ բարձր աստիճանաւորներին, քաղաքի ականաւոր ընակիչներին և տեղական թերթերի խմբագիրներին, Նոյն ալդ հանդիսին մատուցեց Նորին Վեհափառութեանը կայսեր շնորհած ադամանդեալ խաչը վեղարի վրալ կրելու և Ալէքսանդր Նևսկու շքանշանը կրօքին կրելու համար:

ԶՈՒՆԻ. Քաղաքական գործերի համար հինգ դատապարտածները, որոնք գլխերով կախեցին Անգորայում (Թիւրքիա) հետեւեալներն են, Թորոս Մառուղեան Գլխինցի, Յովհաննէս Արզումանեան կեսարացի, Կիւլպէնկ Համալեան, Միրիջան Խանարախեան ու Փանոս Եաղուբեան Տալասցի: Թիւրքերը հաւատացնում են թէ այս նահատակները, կախաղան բարձրանալու միջոցին, գոչել են՝ Եաշաուուն Էյմենիստան (կեցցէ Հալաստան): Անգորայի բանդում դեռ կան 34 հոգի, որոնք մի քանի տարով բանտարկւելու են դատապարտած և 24 մեղադրւածներ:

Պ. ՄԻՆԱՍ ԶԵՐԱԶ զետեղել է «Journal of the Royal Asiatic Society» (Թագաւորական Ասիական Ընկերութեան ժուրնալ) թերթում իւր մի դասախօսութիւնը աշուղ Սալադ Նովալի մասին:

ՕԳՆՈՒԹԻՒՆ ՍՈՎՆԱԼՆԵՐԻՆ. Ս. Էջմիածինը, որպէս փշուռ կը վրնեն մեր ընթերցողները (Մուրճ № 3, Լուրեր) իւր միջոցներով օգնութեան հասնելով սովեալներին, «Արարատի» միջոցով գիմումն էր արել հասարակութեանը նւէրների համար: «Արարատ» ամսագրի № 6-ից իմանում ենք, որ մինչ լուսիսի վերջը ալդ նպատակով նւէրներ ուղարկել են՝ բժիշկ Յովհաննէս Գասպարեանց (Թիֆլիսից) 200 ռուբլի, հալր Բէգ-Նազարեանց (Թիֆլիսից) 20 ռուբլի և պ. Գ. Մ. Առաքելեանց (Բագւից) 100 ռուբլի, Նոյն «Արարատից» իմանում ենք, որ Մալր Աթուր իւր միջոցներից օժանդակութիւն է տւել զիւղացիներին 1,200 խալարից աւելի, ալսինքն մինչ 36,000 պուղ հացահատիկ: Ալդքան հացահատիկ, որ կաղմում է եղել վաճառի ունեցած գրեթէ ամբողջ պաշարը, ոմանց տրւած է ձրի, ոմանց ընթացիկից պակաս գնով, ոմանց փոխարինարար բալց առանց վերադրի:

ՇՈՒՇԻԱՅ ԹԱՏՐՈՆԻ 25-ԱՄԵԱԿԸ, Շուշի քաղաքում առաջին անգամ հալթատրոնական ներկայացում տրւել է 29 տարի առաջ, եթէ չենք սխալում պ. Գէորգ Զմէկեանի և ալոց նախածնունդութեամբ, Չորս տարի անցած ալդ քաղաքում շինեց թատրոնական բեմ, որի վրալ ամեն տարի մէկ կամ մի քանի անգամ ներկայացումներ են տրւել: Ներկալ օգոստոս ամսին լրացաւ

ալդ բեմի շինութեան քանուկինդ ամեակը, որ և տօնեց տեղական հասարակութեան կողմից, նախաձեռնութեամբ տիկին Մարգարիտ Մելիք-Շահնազարեանի և պ. Տիգրան Նազարեանի,

ԽՐԻՄԵԱՆ ՀԱՅՐԻԿԻ լուսանկար բաղմամբիւ պատկերներն չեն արտադրուում Վեհափառ Կաթողիկոսի գէմքի գծադրութիւնները բացի ալն մէկ լուսանկարից որ պատրաստւած է Նրուադէմում և ի ցոյց դրած Էնֆիանճեանց-Տէր-Յովսէփեանցի ծխախոտի խանութում: Այդտեղ Նորին Վեհափառութիւնը հանւած և պրոֆիլով, բաղկաթուր վրալ նստած և գրութեամբ զբաղւած: Յանկալի է որ ալդ լուսանկարի օրինակները տարածեն ամենուրեք: Կրկնում ենք, որ բոլոր մեր տեսածներից ալդ մէկը միայն իսկապէս լաջողւած է, Լուսանկարչի անունը մեզ չալտնի չէ:

ԽՈՒՆԵՐԱՆ, որ անցեալ տարւալ համաճարակումից լետու Անդրկովկասում իսպառ անվախացել էր, բայց ոչ Ներսիսական Ռուսաստանում, օգոստոս ամսալ սկզբից Նորից սկսեց երեալ մեղանում, բայց առանց ալն ոլթի և ալն ծաւալի, որ նա ունէր անցեալ տարի: Թիֆլիսում, սկսած իւլիսի 29-ից մինչ օգոստոսի վերջը, խուրաւով հիւանդացածների թիւը հասել էր շուրջ 80 հոգու, որոնցից վախճանւել են մինչ մօտ 50 հոգի:

ՂԱԶԱՐՈՍ ԱՂԱՅԵԱՆՑ նշանակւած է Էջմիածնի տպարանի և ձուլարանի կառավարիչ, Դա մէկն է լաւագոյն նշանակումներից, որ եղել է սրբ. Նրեմիալի տեղակալութեան ժամանակ: Յուս ունենք որ պ. Ղ. Աղալեանի կառավարչութեան օրերով Էջմիածնի տպարանը կըստանալ ցալթմ եղածից աւելի բարձր դիրք, կառավարիչը կըմտցնի կատարեալ կարգ ու կանոն, կը կրթի իւր ստորադրեալ պերսոնալը օրինակելի տպարանին վալել ուղղութեամբ: Աւելացնենք նաև որ լանձին պ. Աղալեանի Էջմիածնի ձեռք է բերում մի պաշտօնեալ, որը, իբր վաթսուական թւականների սերնդի միակ լաւաջաղիմական ներկալացուցիչը մեղանում, ընդունակ է բարերար աղղեցութիւն գործել իւր շրջապատի վրալ առհասարակ:

ԲԺ. Թ. ԶԱՔԱՐԵԱՆԻ լօղածի վերաբերմամբ, «Մուրճի» ալս տետրում, ալն տեղի համար, ուր հեղինակը խօսում է զինուորականութեան քնասակարութեան մասին, մենք ունենք նկատողութիւններ անելու, որ և վերապահում ենք աւելի լարմար ժամանակին:

† **ԲԺԿ. ԴԱՆԻԷԼ ԼԻՍԻՅԵԱՆ**, հնազոյնը Թիֆլիսի բժիշկներից, վախճանեց ներկալ օգոստոսի վերջերքում: Հանգուցեալը ալս տարի

կրում էր «Աղբիւր-Տարազի» փոխ-խմբագրի կոչումը, բայց առանց որ և է աշխատակցութեան:

«ՀԱՅՐԵՆԻԻ» լրագիրը, որի անպալման դադարեցնելու մասին հաղորդել էինք անցեալ ամիս, կարճ ժամանակից չետոյ նորից թուլաւորութիւն ստացաւ հրատարակելու: Մեր կողմից մի թիւրիմացութիւն էր, որ կարծել էինք թէ փշեալ լրագիրը իբր առմիշտ դադարեցրած էր:

† ՏԻԳՐԱՆ ԷՖ. ԿԻԻՄԻԻՇԿԵՆՍԱՆ: Պոլսում նորերս վախճանւեց Տիգրան Էֆ. Կիւմիւշկերտան, որ կաթողիկոսական ընտրութիւնների համար Պոլսի ներկայացուցիչն էր: «Հալլենիք» լրագիրը իւր №-ում առ 9 օգոստոսի հանգուցեալի փշատակին նւիրում է մի առաջնորդող, որից քաղում ենք հետեւեալ տողերը վերաբերեալ հանգուցեալի անձին և գործունէութեան: Այդ լրագիրը վկայում է Կիւմիւշկերտանի մասին իբր «պատուաւոր տշխատողի, պարտք ճանչցող ազնիւ սրտի տէր մէկը»:

«Ժողովներու, խորհուրդներու, հոգաբարձուներու մէջ երբէք ի դերն չհանց իր վրայ դրած վստահութիւնը»:

«Իր աշխատութիւնը ամենէն աւելի նւիրեց Ազգային Հիւանդանոցին, որուն Հոգաբարձութեանը մասնակցեց տասը տարի»:

«Աղքատ ընտանիքի մը զաւակներէն մին էր, 1834-ին ծնած, նախնական թեթեւ կրթութենէ մը չետոյ արւեստի կը մտնէ, դերձակութիւն կը սովորի, չետոյ փոքրիկ առևտուրի մէջ կը մտնէ, Խրիմի պատերազմին տեսն Խրիմ կերթալ ուր ամենածանր նեղութիւններ, տառապանքներ կը կրէ, անօթութեան ու ծարաւի դիմանալով: Եւ չետոյ իր աչքաբացութեամբը, խելքովը ու բաղդին աջակցութեամբը բաւականին հարստութեան մը տէր կ'ըլլալ»:

«Սակաւն ալս միջոցին ինքնակրթութիւնը առաջ կը տանի, միշտ կարողալով, միշտ հետաքրքրելով ոչ միայն ներկային ալ անցեալին զոր ջերմապէս կը սիրէ: Եւ ահա ալս սէրը ցեղական ժառանգած խտկութիւններու միացած կը մղէ զինքը իր եկեղեցիին, իր ազգին հաւատարիմ ու բարեկամ աշխատողն ըլլալու»:

«Հանգուցեալը շատ կանուխէն ձեռք կառկաւեց ապագալ խոստացող պատանիներու, զորս ղրկեց Գերմանիոյ և Ֆրանսալի համալսարանները, նպատեց ուրիշներու կրթութեանը, հոգալով անոնց ծախքերը Լիսէի մէջ»:

ԿՐՕՆԱՓՈԽՈՒԹԻՒՆ ԹԻՒՐԲԱՑ-ՀԱՅԱՍՏԱՆՈՒՄ: Արտասահմանեան մի

թերթի գրամ են Մուշի կողմերից՝ «Պուլանըխի Համադաշնիս» գիւղի բոլոր տները (30 տուն) իսլամութիւն կղնդունին, լուսաւոր չարտահաբութենէ զերծ մնալ, Կառավարութիւնը զանազան պարգեւներով կը քաջաբերէ նոցա, որք կ'ուզէ օրինակ ըլլան հաշ ժողովրդեան: Նոյնպէս կ'իսլամանան Ալաշկերտի Եօնջալու գիւղացիները (մօտ 70 տուն):

ՆԵՐՔԻՆ ԳԱՂԹԱԿԱՆՈՒԹԻՒՆ: Նոյն աղբիւրից տեղեկանում ենք. Ալաշկերտի զանազան գիւղերէն 35 տուն խմբովին քիւրդերու առաջնորդութեամբ ռուսատաճկական սահմանը կ'անցնեն և կը զինեն Ղարսի Նահանգապետին՝ տեղ և հող ուղեւորի: Նոյն կողմերէն դարձեալ 60 տուն կ'ուզեն զաղթել Կովկաս և կը հասնեն մինչև Ապաղ-Կէօլ կոչած տեղը. բաց թուրք կառավարութիւնը իմանալով նոցա ետ կը դարձնէ:

ՄՈՒՐՃ-Ի ԽՄԲԱԳՐՈՒԹԻՒՆԸ ՎԵՋԱՓԱՌ ԿԱԹՈՂԻԿՈՍԻ ՄՕՏ: «Մուրճի» խմբագրի խնդրանքը Վեհափառ Կաթողիկոսը բարեհաճեց լատակ ունկնդրութիւն չնորհել իւր մօտ «Մուրճի» խմբագրութեանը աշխատակիցներով հանդերձ օգոստոսի 31-ին, առաւօտեան ժամ 10 և 1/2-ին: Խումբը ներկայացաւ Վեհափառին հետեւեալ կազմով՝ խմբագիր պ. Ա. Արասխանեանց, հրատարակիչ պ. Փ. Վարդադարեանց, աշխատակիցներ՝ պ. պ. Գրիգոր Վարդանեանց, Յովհաննէս Թումանեանց, Արշակ Բարխուդարեանց, Յովհաննէս Բարխուդարեանց, Սամէլ Բալաղեան, Յակոբ Անագչեան, Մկրտիչ Նաւասարդեան, Մխիթար Տէր-Անդրէասեան, Պետրոս Մեղքումեան, Գէորգ Ղարաջեան: Խմբի հետ միանալու ցանկութիւն չալոնած էր նաև պ. Սեդրակ Թառալեան, որին, սակայն, տկարութիւնը չներեց տանից զուրս դալու:

Նորին Վեհափառութիւնը ընդունեց «Մուրճի» խմբագրութիւնը շատ սիրալիկ կերպով: Խորէն ծ. վ. Ստեփանէն ներկայացրեց Վեհափառին ամսագրիս խմբագրին, որը Վեհափառի աջը համբուրելուց վտուլ, ըստ իւր հերթին ներկայացրեց Նորան հրատարակչին ու աշխատակիցներին, որոնք ամենքը Նորա աջն առան: Իւր և խմբի կողմից խմբագրիւր չնորհաւորեց Վեհափառի բարի գալուստը ու հալցեց Հայրապետական օրհնութիւնը «Մուրճի» բոլոր աշխատակիցներին համար: Վեհափառ Հայրապետը օրհնեց ամենքին ու հարց ու փորձ արաւ «Մուրճի» հանգամանքների մասին, չալոնելով որ ինքը Երուսաղէմում առիթ է ունեցած ծանօթանալու մեր ամսագրի հետ: Երեսեց գիտութիւնների կառաջադիմութեան ու մամուլի մասին: Խմբագրի

խօսքին թէ՛ մենք շարունակում ենք Զերդ Վեհափառութեան երեսուն տարի առաջ սկսած գործը, երբ «Արծալի Վասպուրականն» էիք հրատարակում, Նորին Վեհափառութիւնը պատասխանեց ժպտալով՝ թէ՛ նա մի դուզնաքեալ գործ էր, և ինձնից լետով ալ շատ խմբագիրներ ելան։ Խմբագիրը ալդ առիթով չալտնեց՝ թէ՛ «Վասպուրական Արծալի» ողին չկորաւ, նա չարատեց և անցաւ իւր փետնորդներին և որ կարող ենք վստահանել Նորին Վեհափառութեանը, որ «Մուրճը» ևս ալդ ոգուց ժառանգութեան մաս ունի։ Ապա ամապրիս խմբագիրը իւր անունից և ամբողջ խմբի կողմից դիմեց Վեհափառին հետեւեալ առաջարկութեամբ, — թէ ցանկալի է որ Նորին Վեհափառութեան կառավարութիւնը, վերջնական կարգադրութիւններ անելուց առաջ, մամուլին մասնակից անի ենթադրած կարգադրութիւնների քննադատութեանը։ Իսկ ալդ կարելի է միայն ալն ժամանակ, երբ, վերջնական վճիռներ տալուց առաջ, Հոգեւոր կառավարութեան դիտաւորութիւնների մասին կանխօրէն ծանուցւի։ Նորին Վեհափառութիւնը պատասխանեց՝ թէ՛ կան բաներ, որոնց մասին առաջուց չալտարելը անկարմար է, բալց կան և ալնպիսիք, որոնց ծանուցանելը կարելի է, և որ Նա դէմ չէ վերջիններիս նկատմամբ ալդպէս վարելու։ Նրբ Վեհափառը, կանգ առնելով ալդ նիւթի վրա, ասաց թէ՛ Հալիկը սովորութիւն ունի իւր մտադրութիւնների մասին խօսել, ամապրիս խմբագիրը դարձրեց Նորին Վեհափառութեան ուշադրութիւնը ալն բանի վրա, որ ցանկալի կըլինէր եթէ ալդ կատարէր «Արարատ» ամսագրի միջոցով։ Ապա Վեհափառը, օգտւելով «Արարատ» ամսագրի վիշատակումից, չալտնեց, որ «Արարատը» դալ տարալ տունարից սկսած՝ հիմնովին պիտի բարեփոխէ։

Նորին Վեհափառութիւնը ի վերջոյ չալտնեց, որ Նա կարօտ է գործերի և անձերի ծանօթութեան և որ վեց ամիս Նա մտադիր է ուսումնասիրել ալդ ամենը։ Նւ իրան չատուկ հուսմորով վերջացրեց խօսքը՝ ասելով թէ՛ ալս վարդապետներից ու եպիսկոպոսներից ոչ ոքին դեռ չէ ճանաչում, ու ալս վեց ամսում պէտք է նոցա ևս ուսումնասիրէ։

Ունկնդրութիւնը տեեց կէս ժամ։

«Մուրճի» պատգամաւորութիւնը առթից օգտւեց ողջունելու նաև Արիստակէս եպիսկոպոս Սեդրակեանին, որը սիրալիր ընդունելութիւն արաւ իւր ընդունարանում։

ՊԱՏԳԱՄԱՒՈՐ ԳՈՂԹԱՆ ԳԱՒԱՌԻ ԿՈՂՄԻՅ Ընտրւած է ամապրիս խմբ.

բաղիր Ա. Արասխանեանց, որը կը ներկայանալ Նորին Վեհափառութեանը Օծման հանդէսին և կը ներկայացնի Նրան Գողթնեցոյ ուղերձը:

ՆԵՐՍԷՍ ՇԱՀԱՄԵԱՆ, չափոնի տնոր, թուլութիւն է ստացել Վեհափառ Կաթողիկոսից Օծման հանդիսին երգել ս. Էջմիածնում:

Պ. Շահամեանը դորա համար Պալմայի թատրոնի վարչութիւնից խնդրել է մի ամսաւ արձակուրդ:

ԱՐՀԵՏԱՌՈՐՆԵՐԻ ԸՆԿԵՐՈՒԹԻՒՆ, Թիֆլիսի մի խումբ կրթած արհեստաւորներ Մէջ միտք է չղացել արհեստաւորների ընկերութիւն հիմնել:

ՇԱՐԿՈ, Ներկալ օգոստոսի 3/17 Մորան ամառանոցում վախճանեց բըժշկութեան դոքտոր-պրոֆեսոր Շարկօ, Հանդուցեալը վաղուց արդէն գիտութեան մէջ փալլում էր որպէս առաջնակարգ աստղ, Իրրե գործնական բժիշկ—Շարկօն համալսարանին անուն էր վալելում, Բալց նա նշանաւոր գիտնական էլ էր: Նա սանդղեց նեարդալին պաթոլոգիան, որին վերաբերում է նորա աշխատութիւնների մեծ մասը, Նա զբաղեց նաեւ հիպոտիսմով և զարկ տւեց նորադոն հոգեբանութեան: Շարկօն կրթել է գիտնականների մի ամբողջ սերունդ, և իւր աշակերտների թւում ներկայումս կան բազմաթիւ գիտնականներ, որոնք ծագող աստղեր են և անուն են ստեղծել իրանց մասնագիտութեան մէջ: Շարկօի հետ Ֆրանսիան կորցրեց իւր ներկայիս փառքերից մէկը:

ՍԵՆԿԵՒԻՉԻ «ԱՌԱՆՑ ԴԱՒԱՆԱՆՔԻ» վէպի երրորդ և վերջին մասը սկըսում ենք տպագրել ներկալ համարից: Վէպի աղբ երրորդ մասի թարգմանողն է պ. Երւանդ Թաղիանոսեան:

ԺԱՄԱՆԱԿԱԿԻՑ ՏԵՍՈՒԹԻՒՆԸ անակնկալ պատճառներով չկարողացանք տպել:

ՆՈՐ ՍՏԱՑԻԱԾ ԳՐԻՔԵՐ՝

- 1) ԳԱԼԷՄԲԱՆՔԱՆ Հ. Գրիգորիս վ., Մխիթարեան ուխտէն.—Պատմութիւն հայ քրդութեան ի սկզբանէ մինչև մեր ժամանակը: Հատոր Ա.—Բ. Շրջան ի սկզբանէ հայ քրդութեան (1794) մինչև 1840.—Բ. Շրջան. 1840-էն մինչև 1860 թ. (մէկ լուսատիւ պատկերով), Վիէննա, Մխիթարեան տպարան, 1893 թ. գիշն է 2 ֆրանկ 50 սանտիմ (1 ռ.):
- 2) ԿԱՐԻԷՐ, Ա.—Նորագոյն աղբերք Մովսիսի Խորենացոյ, Քննադատական ուսումնասիրութիւնք, Թարգմ. Ֆրանսերէնից, Վիէննա, Մխիթ. տպարան, 1892, գիշն է 1 ֆրանկ:

- 3) ԳՐԻԳՈՐԵԱՆ, Լևոն.— Չար Հրեշտակ (կեանքի գծեր) Հրատարակութիւն Ղ. Կարապետեանի.— Թիֆլիս, տպ. Մելիք-Շահնազարեանցի, 1893, գինն է 15 կոպ.
- 4) TEZA, Emilio.— Dell „Essaemero“ di Giorgio Pisije. secondo. La antica versione armena. Roma, Tipogr. d. R. Accademia dei Lincei, 1893.
- 5) ԼԷՕ.— Ախտահանութիւն (վէպ).— Հրատարակութիւն «Արօր» տպարանի № 1.— Բագու, տպ. Արօր, 1993, գինն է 40 կոպ.
- 6) ՖԻԼՊՍԻՆ, Եղիս. Ստիւարտ.— Գթութեան քուր Թարգմ. Հալկ Գիւլմսիրեան, Հրատարակ. Արօր տպարանի № 2.— Բագու, տպ. Արօր, 1891, գինն է 15 կոպ.
- 7) ՄԿՐՏՈՒՄԵԱՆ, Գ. քահ.— Ղալթմազենց Միքէլը, պատմածք Ղալի-Մոլլի արշաւանքներէրից. Ա.— Մոսկւա, տպ. Բ. Բարխուդարեանի, 1893, գինն է 8 կոպ.
- 8) АСТВАЦАТРЯНЪ, В.— Долина блаженства (горская легенда).— Тифлисъ, тип. груз. Изд. Товарищества, 1893. գինն է 10 կ.
- 9) ՍԱՐԳԻՍԵԱՆ, Հ. Բարսեղ վարդապետ, լուստէն Միսիթարալ.— Տեսութիւն Սեղրեստրոսի Պատմութեան և Մովսէս Խորենացու աղբերացի վեհերիկի, ի տպ. Սրբոյն Ղազարու, 1893. գինն է ?
- 10) ԴՐ.— Патриархъ-Католикосъ Мяртинъ I.
- 11) ДІЕВЪ, Гр. А.— Армянскій вопросъ въ Турціи (изъ переписки съ стамбульскимъ публицистомъ). Съ двумя библиотечными карточками.— Москва, тип. Д. Иноземцова. 1893, գինն է 40 կոպ.
- 12) ՎԱՆ-ԴԷՅԿ.— Չորրորդ մոզը, Հրատարակ. Հ. Հրատ. Ընկեր.— Թիֆլիս, տպ. Վրաց Հրատ. Ընկ. 1893 թ. գինն է 5 կոպ.
- 13) ՂԱԶԱՐԵԱՆՑ, Յակ.— Խոռն. խոր. Տաճկաշաբերի կեանքից, Հրատ. Թիֆլ. Հ. Հրատ. Ընկ.— Թիֆլիս, տպ. Մ. Վարդանեանի, 1893 թ. գինն է 60 կոպ.
- 14) ՐԱՖԻԻ.— Արծիւ վասպուրականի (Խրիմեան Հալրիկ).— Հրատարակեց ալրի տիկին Բաֆֆի, Թիֆլիս, տպ. Յ. Մարտիրոսեանցի, 1893, գինն է 70 կոպ.

Խմբագիր՝ ԱԻԵՏԻՔ ԱՐԱՍԻԱՆԵԱՆՑ
Հրատարակիչ՝ ՓԻԼԻՊՊՈՍ ՎԱՐԴԱԶԱՐԵԱՆՑ
